

Broj: 01-49-1759/14
Sarajevo, 05.05.2014. godine

OPĆINE 1-81

N/r načelnika

PREDMET: Obavijest

Obavještavamo vas da je Federalno ministarstvo pravde u skladu sa odredbama člana 10. Uredbe o procjenjivanju ekonomske vrijednosti pravnih osoba, imovine, obaveza i kapitala ("Službene novine Federacije BiH" broj 70/13) započelo sa aktivnošću licenciranja ovlaštenih procjenitelja. Ovlašteni procjenitelji u skladu sa odredbom člana 2. navedene Uredbe, obavljaju poslove procjenjivanja ekonomske vrijednosti pravnih osoba, imovine, obaveza i kapitala. Navedenom odredbom propisano je slijedeće:

- Procjenjivanje ekonomske vrijednosti je ukupnost procjeniteljskog rada s ciljem utvrđivanja fer-vrijednosti pravnih osoba, imovine, obaveza i kapitala.
- Procjenjivanje ekonomske vrijednosti je djelatnost utvrđivanja knjigovodstvene, tržišne, zamjenske, likvidacione i poslovne vrijednosti pravnih osoba, imovine, obaveza i kapitala na osnovu vjerodostojne dokumentacije, fizičke sposobnosti predmeta procjene i budućih novčanih primitaka i izdataka. Osnovno načelo procjene ekonomske vrijednosti jest, da pravna osoba, imovina, obaveza ili kapital imaju ekonomsku vrijednost, ako stvaraju ekonomske učinke.
- Procjenjivanje ekonomske vrijednosti podrazumijeva i poslove prezentacije rezultata procjene pred upravnim, sudskim, bankarskim i drugim tijelima prema njihovim zahtjevima.

Uzimajući u obzir da osobe koje dobiju licencu posjeduju potrebna stručna znanja i kvalifikacije za kvalitetno obavljanje navedenih poslova, jedine posjeduju zvaničnu licencu izdanu od Federalnog ministarstva pravde, a na temelju dokaza o kontinuiranoj edukaciji te na temelju certifikata izdanog od strane ovlaštene institucije, ovim putem vas pozivamo da obavijestite institucije i privredna društva o početku rada ovlaštenih procjenitelja kao i poslovima koje obavljaju u skladu sa navedenom Uredbom koju vam u prilogu dostavljamo.

S poštovanjem,


MINISTAR
Zoran Mikulić